

Pravosudna Komisija Brčko distrikta Bosne i Hercegovine, na osnovu člana 14. stav (1) tačka n) Zakona o pravosudnoj komisiji Brčko distrikta BiH («Službeni glasnik Brčko distrikta BiH», broj 19/07, 20/07 i 2/08) i člana 153. stav (1) Zakona o zaštiti i postupanju sa djecom i maloljetnicima u krivičnom postupku („Službeni glasnik Brčko distrikta BiH“ broj 44/11), na sjednici održanoj 29.10.2012. godine usvojila je sledeći

P R A V I L N I K
O PRIMJENI VASPITNIH MJERA POSEBNIH OBAVEZA
PREMA MALOLJETNIM UČINIOCIMA
KRIVIČNIH DJELA

DIO PRVI – OSNOVNE ODREDBE

Član 1.
(Predmet Pravilnika)

Ovim Pravilnikom utvrđuju se oblici i način izvršenja vaspitnih mjera posebnih obaveza (u daljem tekstu: posebne obaveze) iz člana 35. stav 2. t. od a) do j) Zakona o zaštiti i postupanju sa djecom i maloljetnicima u krivičnom postupku (u daljem tekstu: Zakon), određuju organi nadležni za sprovođenje izvršenja posebnih obaveza, uređuju međusobni odnos tih organa i utvrđuju druga pravila od značaja za ostvarivanje svrhe ove vrste vaspitnih mjera.

Član 2.
(Izricanje posebnih obaveza maloljetniku)

- (1) Sud može maloljetniku izreći jednu ili više posebnih obaveza, ako ocijeni da je odgovarajućim nalogima ili zabranama potrebno uticati na maloljetnika i njegovo ponašanje.
- (2) Sud maloljetniku može, u skladu sa Zakonom, izreći obavezu:
 - a) da redovno pohađa školu,
 - b) da ne izostaje s posla,
 - c) da se osposobljava za zanimanje koje odgovara njegovim sposobnostima i sklonostima,
 - d) da se uključi u rad humanitarnih organizacija ili poslove socijalnog, lokalnog ili ekološkog sadržaja,

- e) da se uzdrži od posjećivanja određenih lokala, odnosno priredbi i kloni društva i određenih lica koja na njega mogu štetno uticati,
 - f) da se maloljetnik, uz saglasnost zakonskog zastupnika, podvrgne stručnom medicinskom postupku ili postupku odvikavanja od droge ili drugih vrsta zavisnosti,
 - g) da se uključi u pojedinačni ili grupni rad u savjetovaništu za mlade,
 - h) da pohađa kurseve za stručno osposobljavanje ili da priprema i polaže ispite na kojima se provjerava određeno znanje,
 - i) da se uključi u određene sportske i rekreativne aktivnosti i
 - j) da bez posebne saglasnosti suda ne može da napusti mjesto prebivališta ili boravišta.
- (3) Pri izboru posebnih obaveza sud vodi računa o kriterijumima sadržanim u čl. 4, 7, 10, 13, 18, 21, 24, 27, 30 i 33. ovog pravilnika.

Član 3.

(Izricanje posebnih obaveza uz vaspitnu mjeru pojačanog nadzora)

Jednu ili više posebnih obaveza iz člana 2. stav 2. t. od a) do j) ovog pravilnika sud može izreći i uz vaspitnu mjeru pojačanog nadzora iz člana 37, 38. i 39. Zakona.

DIO DRUGI – POSEBNE OBAVEZE I NJIHOVO IZVRŠENJE

POGLAVLJE I. Redovno pohađanje škole

Član 4.

(Uslovi za izricane posebne obaveze redovnog pohađanja škole)

Sud može maloljetniku koji u kontinuitetu izostaje sa nastave izreći posebnu obavezu iz člana 2. stav 2. tačka a) ovog pravilnika kada utvrdi da se redovnim pohađanjem škole može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 5.

(Vrijeme trajanja posebne obaveze redovnog pohađanja škole)

Rješenjem o izricanju posebne obaveze redovnog pohađanja škole određuje se vrijeme njenog trajanja koje ne može biti duže od jedne godine, uz mogućnost da u tom roku naložena vaspitna mjera bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

Član 6.

(Dostavljanje rješenja o izrečenoj posebnoj obavezi redovnog pohađanja škole)

Rješenje o izrečenoj posebnoj obavezi iz člana 2. stav 2. tačka a) ovog pravilnika dostavlja se nadležnom organu starateljstva koji samostalno ili preko određenog stručnog lica prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE II. Zabrana izostajanja sa posla

Član 7.

(Uslovi za izricanje posebne obaveze zabrane izostajanja sa posla)

Sud može maloljetniku koji u kontinuitetu izostaje s posla izreći posebnu obavezu iz člana 2. stav 2. tačka b) ovog pravilnika kada utvrdi da se redovnim obavljanjem poslova i radnih zadataka može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona

Član 8.

(Vrijeme trajanja posebne obaveze zabrane izostajanja sa posla)

Rješenjem o izricanju ove posebne obaveze određuje se vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

Član 9.

(Dostavljanje rješenja o izrečenoj posebnoj obavezi zabrane izostajanja sa posla)

Rješenje o izrečenoj posebnoj obavezi iz člana 2. stav 2. tačka b) ovog pravilnika dostavlja se nadležnom organu starateljstva koji samostalno ili preko određenog stručnog lica prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE III. Nalaganje osposobljavanja za odgovarajuće zanimanje

Član 10.

(Uslovi za izricane posebne obaveze osposobljavanja za odgovarajuće zanimanje)

Sud može maloljetniku izreći posebnu obavezu iz člana 2. stav 2. tačka c) ovog pravilnika kada utvrdi da se osposobljavanjem za odgovarajuće zanimanje, koje odgovara njegovim sposobnostima i sklonostima, može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 11.

(Vrijeme trajanja posebne obaveze osposobljavanja za odgovarajuće zanimanje)

Rješenjem o izricanju posebne obaveze osposobljavanja za odgovarajuće zanimanje koje odgovara sposobnostima i okolnostima maloljetnika, po prethodno pribavljenom mišljenju organa starateljstva, određuje se vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

Član 12.

(Dostavljanje rješenja o izrečenoj posebnoj obavezi osposobljavanja za odgovarajuće zanimanje)

Rješenje o izrečenoj posebnoj obavezi iz člana 2. stav 2. tačka c) ovog pravilnika, dostavlja se nadležnom organu starateljstva koji samostalno ili preko određenog stručnog lica prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE IV. Nalaganje obavljanja određenog rada ili posla

Član 13.

(Uslovi za izricane posebne obaveze obavljanja određenog rada ili posla)

Sud može maloljetniku izreći posebnu obavezu iz člana 2. stav 2. tačka d) ovog pravilnika kada utvrdi da se uključivanjem maloljetnog učinioca krivičnog djela u rad humanitarnih organizacija ili u poslove socijalnog, lokalnog ili ekološkog sadržaja može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 14.

(Izbor i svrha posebne obaveze obavljanja određenog rada ili posla)

- (1) Izbor rada, odnosno posla vrši, po prethodno pribavljenom mišljenju organa starateljstva, sud vodeći računa da rad, odnosno posao ne može biti usmjeren na postizanje ekonomske koristi, te da ne smije ometati školovanje maloljetnika, odnosno štetiti njegovom ugledu i dostojanstvu.
- (2) Svrha rada, odnosno posla, koji maloljetnik treba da obavi mora biti usmjerena prvenstveno na otklanjanje štetnih posljedica krivičnog djela.

Član 15.

(Izbor ustanova i organizacija radi izvršenja posebne obaveze obavljanja određenog rada ili posla)

Predsjednik Pravosudne komisije po pribavljenom prijedlogu Centra za socijalni rad sastavlja listu ustanova i organizacija na lokalnom nivou radi izvršenja posebnih obaveza, vrši izbor odgovarajućih ustanova i organizacija i sudiju za maloljetnike upoznaje sa zaključenim sporazumima sa istim.

Član 16.

(Dužina trajanja posebne obaveze obavljanja određenog rada ili posla)

Rješenjem o izricanju posebne obaveze iz člana 2. stav 2. tačka d) ovog pravilnika određuje se da maloljetnik može da radi najviše 120 časova u periodu od šest mjeseci, ali tako da taj rad ne ometa njegovo školovanje ili zaposlenje i da ne šteti njegovom zdravlju.

Član 17.

(Dostavljanje rješenja o izrečenoj posebnoj obavezi obavljanja određenog rada ili posla)

- (1) Rješenje o izrečenoj posebnoj obavezi iz člana 2. stav 2. tačka d) ovog pravilnika dostavlja se nadležnom organu starateljstva koji određuje predstavnika organa starateljstva, odnosno drugo lice koje posjeduje posebna znanja iz oblasti prava djeteta i prestupništva mladih, a koje postupa pod nadzorom nadležnog organa starateljstva.
- (2) Lice koje nadzire maloljetnika dok traje ova posebna obaveza najmanje jednom mjesečno o tome izvještava sudiju za maloljetnike.

POGLAVLJE V. Uzdržavanje od posjete lokalima, priredbama, društvu i licima koja mogu štetno uticati na maloljetnika

Član 18.

(Uslovi za izricanje posebne obaveze uzdržavanje od posjete lokalima, priredbama, društvu i licima koja mogu štetno uticati na maloljetnika)

Sud može maloljetniku izreći posebnu obavezu iz člana 2. stav 2. tačka e) ovog pravilnika, kada utvrdi da se održavanjem od posjećivanja određenih lokala, priredbi, izbjegavanjem društva i određenih lica koja na njega mogu štetno uticati može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 19.

(Vrijeme trajanja posebne obaveze uzdržavanje od posjete lokalima, priredbama, društvu i licima koja mogu štetno uticati na maloljetnika)

Rješenje o izricanju posebne obaveze iz člana 2. stav 2. tačka e) ovog pravilnika, po prethodno pribavljenom mišljenju nadležnog organa starateljstva, određuje se vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

Član 20.

(Dostavljanje rješenja o izrečenoj posebnoj obavezi uzdržavanja od posjete lokalima, priredbama, društvu i licima koja mogu štetno uticati na maloljetnika)

Rješenje o izrečenoj posebnoj obavezi iz člana 2. stav 2. tačka e) ovog pravilnika dostavlja se nadležnom organu starateljstva koji prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE VI. Podvrgavanje stručnom medicinskom postupku ili nalaganje odvikavanja od zavisnosti

Član 21.

(Uslovi za izricane posebne obaveze podvrgavanja stručnom medicinskom postupku ili odvikavanju od zavisnosti)

Sud može maloljetniku, uz saglasnost zakonskog zastupnika, izreći posebnu obavezu iz člana 2. stav 2. tačka f) ovog pravilnika, kada utvrdi da se podvrgavanjem maloljetnika stručnom medicinskom postupku ili postupku odvikavanja od droge ili drugih zavisnosti može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 22.

(Određivanje ustanove za izvršenje i vremena trajanja posebne obaveze podvrgavanja stručnom medicinskom postupku ili odvikavanju od zavisnosti)

- (1) Rješenjem o izricanju posebne obaveze iz člana 2. stav 2. tačka f) ovog pravilnika, po prethodno pribavljenom mišljenju nadležnog

organa starateljstva, određuje se ustanova ili organizacija u kojoj se ova posebna obaveza izvršava i vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

- (2) O izrečenoj mjeri iz stava 1. ovog člana ustanova ili organizacija u kojoj se ova posebna obaveza izvršava obavještava se u pisanoj formi.

Član 23.

(Dostavljanje rješenja o izrečenoj posebnoj obavezi podvrgavanja stručnom medicinskom postupku ili odvikavanju od zavisnosti)

Rješenje o izrečenoj posebnoj obavezi iz člana 2. stav 2. tačka f) ovog pravilnika dostavlja se nadležnom organu starateljstva koji prati izvršenje posebne obaveze i najmanje jednom mjesečno o tome izvještava sudiju za maloljetnike.

POGLAVLJE VII. Nalaganje uključivanja u odgovarajući pojedinačni ili grupni tretman

Član 24.

(Uslovi za izricane posebne obaveze uključivanja u odgovarajući pojedinačni ili grupni tretman)

Sud može maloljetniku izreći posebnu obavezu iz člana 2. stav 2. tačka g) ovog pravilnika kada utvrdi da se uključivanjem u odgovarajući pojedinačni ili grupni tretman u odgovarajućem savjetovalištu za mlade može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 25.

(Vrijeme trajanja posebne obaveze uključivanja u odgovarajući pojedinačni ili grupni tretman)

- (1) Rješenje o izricanju posebne obaveze iz člana 2. stav 2. tačka g) ovog pravilnika, po prethodno pribavljenom mišljenju nadležnog organa starateljstva, određuje se savjetovalište u kojem se ova posebna obaveza izvršava i vrijeme njenog trajanja koje ne može biti duže od

jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

(2) O izrečenoj mjeri iz stava 1. ovog člana savjetovalište se izvještava u pisanoj formi.

Član 26.

(Dostavljanje rješenja o izrečenoj posebnoj obavezi uključivanja u odgovarajući pojedinačni ili grupni tretman)

Rješenje o izrečenoj posebnoj obavezi iz člana 2. stav 2. tačka g) ovog pravilnika dostavlja se nadležnom organu starateljstva koji prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE VIII. Nalaganje pohađanja određenih kurseva i pripremanje ispita

Član 27.

(Uslovi za izricane posebne obaveze pohađanja određenih kurseva i pripremanje ispita)

Sud može maloljetniku izreći posebnu obavezu iz člana 2. stav 2. tačka h) ovog pravilnika kada utvrdi da se pohađanjem određenih kurseva za stručno osposobljavanje maloljetnika, odnosno njegovom pripremom i polaganjem ispita kojima se provjerava određeno znanje može ostvariti svrha te vrste posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 28.

(Vrijeme trajanja posebne obaveze pohađanja određenih kurseva i pripremanje ispita)

Rješenjem o izricanju posebne obaveze pohađanja određenih kurseva za stručno osposobljavanje ili priprema i polaganja ispita kojima se provjerava određeno znanje maloljetnika, po prethodno pribavljenom mišljenju organa starateljstva, određuje se vrijeme njenog trajanja koje ne može biti duže od jedne godine, uz mogućnost da u tom roku naložena

posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.

Član 29.

(Dostavljanje rješenja o izrečenoj posebnoj obavezi pohađanja određenih kurseva i pripremanje ispita)

Rješenje o izrečenoj posebnoj obavezi iz člana 2. stav 2. tačka h) ovog pravilnika dostavlja se nadležnom organu starateljstva koji samostalno ili preko određenog stručnog lica prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE IX. Nalaganje uključivanja u odgovarajuće sportske i rekreativne aktivnosti

Član 30.

(Uslovi za izricane posebne obaveze uključivanja u odgovarajuće sportske i rekreativne aktivnosti)

Sud može maloljetniku izreći posebnu obavezu iz člana 2. stav 2 tačka i) ovog pravilnika kada utvrdi da se uključivanjem u odgovarajuće sportske i rekreativne aktivnosti može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.

Član 31.

(Vrijeme trajanja posebne obaveze uključivanja u odgovarajuće sportske i rekreativne aktivnosti)

- (1) Rješenjem o izricanju posebne obaveze uključivanja u odgovarajuće sportske i rekreativne aktivnosti, po prethodno pribavljenom mišljenju organa starateljstva, određuje se vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.
- (2) Sportske aktivnosti iz stava 1. ovog člana ne mogu imati karakter borilačkih vještina što podrazumijeva bliski tjelesni kontakt učesnika (npr. oks, kik boks i slične aktivnosti), osim kada se procijeni da su i

takve sportske aktivnosti podobne za razvoj ličnosti maloljetnika u konkretnom slučaju.

Član 32.

(Dostavljanje rješenja o izrečenoj posebnoj obavezi uključivanja u odgovarajuće sportske i rekreativne aktivnosti)

Rješenje o izrečenoj posebnoj obavezi iz člana 2. stav 2. tačka i) ovog pravilnika, dostavlja se nadležnom organu starateljstva koji samostalno ili preko određenog stručnog lica prati njeno izvršenje i najmanje jednom mjesečno o tome izvještava sudiju za maloljetnike.

POGLAVLJE X. Zabrana napuštanja mjesta prebivališta ili boravišta

Član 33.

(Uslovi za izricanje posebne obaveze zabrane napuštanja mjesta prebivališta ili boravišta)

- (1) Sud može maloljetniku izreći posebnu obavezu iz člana 2. stav 2. tačka j) ovog pravilnika kada smatra da on bez posebne saglasnosti suda ne može napustiti mjesto prebivališta ili boravišta, a da se na ovaj način može ostvariti svrha ove posebne obaveze u okviru opšte svrhe krivičnih sankcija prema maloljetnicima iz člana 31. stav 1. Zakona.
- (2) Posebnu obavezu iz stava 1. ovog člana sud će, po pravilu, izreći uz još neku od posebnih obaveza iz člana 2. stav 2. tačka od a) do j) pravilnika.

Član 34.

(Vrijeme trajanja posebne obaveze zabrane napuštanja mjesta prebivališta ili boravišta)

- (1) Rješenje o izricanju ove posebne obaveze određuje se vrijeme njenog trajanja koje ne može biti duže od jedne godine, uz mogućnost da u tom roku naložena posebna obaveza bude zamijenjena drugom posebnom obavezom, odnosno drugom vaspitnom mjerom ili da bude obustavljena od daljeg izvršenja.
- (2) O izricanju posebne obaveze iz stava 1. ovog člana sud obavještava nadležnu policijsku stanicu.

Član 35.
**(Dostavljanje rješenja o izrečenoj posebnoj obavezi zabrane napuštanja
mjestu prebivališta ili boravišta)**

Rješenje o izrečenoj posebnoj obavezi iz člana 2. stav 2. tačka j) ovog pravilnika dostavlja se nadležnom organu starateljstva koji, po pravilu, sam prati njeno izvršenje, a u izuzetnim slučajevima i uz pomoć službenika policijske stanice i najmanje jednom mjesečno o tome izvještava sudiju za maloljetnike.

DIO TREĆI – ZAVRŠNE ODREDBE

Član 36.
(Stupanje na snagu Pravilnika)

Ovaj pravilnik stupa na snagu danom usvajanja i objaviće se u „Službenom glasniku Brčko distrikta BiH“.

Broj: SuPK-1266/12
Brčko, 29.10.2012. g.

**Predsjednik
Pravosudne komisije**

Safet Pizović